

**Eduard Pieters (PPA):
UN MOVECION POLITICO
IRESPONSABEL PA NOS
MUCHANAN**



WWW.SOLODIPUEBLO.COM



SOLODIPUEBLO@GMAIL.COM

**GERLIEN A HABRI PORTA PA
CHAOS Y “FREE FOR ALL”
ATROBE NA CRECHE; EL’A
CERA E DEPARTAMENTO**



**ARUBA TIN UN GOBIERNO
INVISIBEL, SIN MANEHO Y
SIN VISION!**

**SRA J.DANIA
(78) HAYA SIN
BIDA DEN AUTO**



**META DI ACCION
DI FIRMA TA PA
PARTICIPA NA E
CONSULTA A TRAVES
DI INTERNET CU TA
SERA 28 SEPTEMBER
2025**



Parlamentario Edgard Vrolijk: PARLAMENTARIO GOELOE NO SOLAMENTE TA INEPTO PERO TAMBE INCOMPETENTE

Artikel 17

1 De Gevolmachtigde Minister van het land, waarin de regeling zal gelden, wordt in de gelegenheid gesteld in de kamers der Staten-Generaal de mondelinge behandeling van het ontwerp van rijkswet bij te wonen en daarbij zodanige voorlichting aan de kamers te verstrekken als hij gewenst oordeelt.

2 Het vertegenwoordigende lichaam van het land, waarin de regeling zal gelden, kan besluiten voor de behandeling van een bepaald ontwerp in de Staten-Generaal één of meer bijzondere gedelegeerden af te vaardigen, die eveneens gerechtigd zijn de mondelinge behandeling bij te wonen en daarbij voorlichting te geven.

3 De Gevolmachtigde Ministers en de bijzondere gedelegeerden zijn niet gerechtelijk vervolgbaar voor hetgeen zij in de vergadering van de kamers der Staten-Generaal hebben gezegd of aan haar schriftelijk hebben overgelegd.

4 De Gevolmachtigde Ministers en de bijzondere gedelegeerden zijn bevoegd bij de behandeling in de Tweede Kamer wijzigingen in het ontwerp voor te stellen.

Artikel 18

1 De Gevolmachtigde Minister van het land, waarin de regeling zal gelden, wordt vóór de eindstemming over een voorstel van rijkswet in de kamers der Staten-Generaal in de gelegenheid gesteld zich omtrent dit voorstel uit te spreken. Indien de Gevolmachtigde Minister zich tegen het voorstel verklaart, kan hij tevens de kamer verzoeken de stemming tot de volgende vergadering aan te houden. Indien de Tweede Kamer nadat de Gevolmachtigde Minister zich tegen het voorstel heeft verklaard dit aanneemt met een geringere meerderheid dan drie vijfden van het aantal der uitgebrachte stemmen, wordt de behandeling geschorst en vindt nader overleg omtrent het voorstel plaats in de raad van ministers.

2 Wanneer in de vergadering van de kamers bijzondere gedelegeerden aanwezig zijn, komt de in het eerste lid bedoelde bevoegdheid aan de door het vertegenwoordigende lichaam daartoe aangewezen gedelegeerde.

Artikel 15

1 De Koning zendt een ontwerp van rijkswet gelijktijdig met de indiening bij de Staten-Generaal aan de vertegenwoordigende lichamen van Aruba, Curaçao en Sint Maarten.

2 Bij een voordracht tot een voorstel van rijkswet, uitgaande van de Staten-Generaal, geschiedt de toezending van het voorstel door de Tweede Kamer terstond nadat het bij de Kamer aanhangig is gemaakt.

3 De Gevolmachtigde Minister van Aruba, Curaçao of Sint Maarten, is bevoegd aan de Tweede Kamer voor te stellen een voordracht tot een voorstel van rijkswet te doen.

Artikel 16

Het vertegenwoordigende lichaam van het land, waarin de regeling zal gelden, is bevoegd vóór de openbare behandeling van het ontwerp in de Tweede Kamer dit te onderzoeken en zo nodig binnen een daarvoor te bepalen termijn daaromtrent schriftelijk verslag uit te brengen.

Mi no sa reaciona mucho mas pero e sr. Goeloe merece su reaccion y sin compasion. Por a tuma nota di un rueda di prensa unda e ta expresa yamando nos pa payaso paso no ta pidi pa jaarrekening y pe esey ta motibo pa entrega Aruba na Hulanda hibando nos na prome cu Status Aparte na 1986 y alabes e ta purba manipula pueblo cu su splicacion con ta aproba un Rijkswet. Y sigur mi ta pidi pueblo pa busca informacion ki ta e procedura di un Rijkswet pa pueblo no bira manera sr Goeloe, un inepto y

incompetente.

E mito di jaarrekening
Mi ta kere door cu sr. Goeloe ta pasa mas cu mita di reunion na soño, pero sigur tambe pa falta di interes of su capacidad pa compronde ta limita of ta paso e ta perde reunionnan cu entre otro director di Departamento di Finansas. cu e ta keda papia barbaridad y ta mustra con inepto e ta. Na e momento aki e jaarrekening 2019 ta di basta tempo den man di gobierno pa contesta e verslag y pa e ley por

ser trata. Banda di esaki danki na e procedura cu ex Minister Xiomara Maduro a laga atras por a haal in caba te cu jaarrekening 2023 y pa fin di aña di 2024 y asina pa otro aña ya ta update pa april caba cu esun di 2025. Dus awo e trabao ta na Algemene Rekenkamer pa speed up pa por cumpli cu Parlamento. Dus ta bon pa sr. Goeloe informa su mes of pidi hasta pa nan splic'e na placa chikito pa e por compronde pa no pasa di inepto y incompetente.

Procedura di ley di Reino(Rijkswet)
Un berguensa ora mi scucha parlamentario sr. Goeloe y tambe sra, Lindor, ambos di partido FUTURO y unda nan tin un docente di Universidad den e materia di Staatsrecht cu ta e actual Minister Geoffrey Wever y asina mes nan



ta sali papia locura riba e proceso. Desde ki dia parlamento di Aruba ta debati y vota riba un ley di Reino? E procedura ta hancra den Statuut di Reino unda cu di articulo 15 y mas dilanti ta duna e procedura. Articulo 15 ta bisa ken ta entrega y na ken e ley di Reino, articulo 16 ta duna e paisnan cu e ley lo toca e oportunidad di entrega un verslag. Y esey te. Na final ora trata e ley Parlamento por manda un delegacion cu lo por asisti na e reunion na Hulanda y no na Aruba, y por entrega mocion of amienda pero mester sosten di parlamentarionan Hulandes pa nan subi mes y na final ta e 150 parlamentarionan Hulandes lo debati y vota ariba mocion, amienda y e ley. Pues e dos

parlamentarionan aki di FUTURO mester stop di papia coi loco y cuminsa na educa nan mes prome cu mal educa y mal informa e pueblo.
Pues e ta un muestra di ineptitud y sigur incompetente ora un Parlamentario manera sr. Goeloe ta sali papia sin educa su mes riba ningun materia. Si Sr. Goeloe y Fraccion di FUTURO y e Gabinete AVP -FUTURO ta para pa entrega nos autonomia sin motibo alguno, ta nan desicion como entreguista hunto cu AVP. Pero no bin papia cos di disparate y sigur papia locura cu aki na Aruba ta trata e Rijkswet y cu ta aproba esaki akinan. Esey ta un muestra bon cla di un parlamentario inepto y incompetente.

SRA J.DANIA (78) HAYA SIN BIDA DEN AUTO



Flemmingstraat - Diamars den oranan di mainta habitante/nan a notifica polis di un caso lamentabel unda cu un señora di edad no tawata reaciona.

E sra sa para su auto dilanti un cas paso ta su custumber cu e ta para eynan y bay su dokter di cas cu ta eybanda. Pero ora a ripara cu e



auto tin basta rato para caba a bay wak ne auto y nan a mira e señora cu no ta reaciona. Dus a yama ambulance y polis.

Na yegada di ambos, esta

polis y ambulance ya nada mas por a wordo haci.

E señora J.Dania(78) lo a fayece door di causanan natural, Dr. Texier a presenta pa a constata

morto.

Nos ta manda palabranan di condolencia na famia di e señora.

Parlamentario Evelyn Wever-Croes

Evelyn Wever-Croes;

META DI ACCION DI FIRMA TA PA PARTICIPA NA E CONSULTA A TRAVES DI INTERNET CU TA SERA 28 SEPTEMBER 2025

Den conferencia di Fraccion di MEP dialuna ultimo, lider di Fraccion di MEP Evelyn Wever-Croes a splica cu tin un accion di firma andando, y cu ya a acumula miles di firma.

Sinembargo hopi ta esnan cu ainda no a alcansa di yega pa firma, y riba peticion popular ta habri e posibilidad pa firma e peticion 'on line' riba e link aki: [openpetition.eu/!nbkks](https://openpetition.eu/)

Por yega na e link door di google y click "Firma peticion contra HOFA".

E parlamentario a splica e meta di e accion di firma, y esey ta pa participa na

e consultacion a traves di internet cu Hulanda ta ofrece como procedura cu cada cambio di ley. Sinembargo na Aruba no tin un cultura di consulta via internet, y hopi hende cu kier participa na e consulta via internet, no tin email adres.

Pa e motibo aki, a cuminsa cu e accion di firma, pa e ciudadanonan cu kier participa na e consultacion via internet, por haci'e na un forma mas sensiyo. Nan ta firma e lista, y indica kico ta nan preocupacion of cual ta nan obhecion. Y den nan nomber, nos lo participa na e consulta via internet.

Na e momentonan aki tin miles di firma caba. Hulanda lo sera e consulta via internet dia 28 di september proximo. Hendenan ta pidiendo pa mas tempo, pues probablemente e firmanan cu ta aden caba, lo wordo manda adelanta, y despues lo sigui acumula firma.

Un otro meta di e accion di firma ta cu asina por pone tambe presion na Aruba mes. "E ley di reino HOFA no mester bin Parlamento mas pa wordo debati riba dj'e, ni pa wordo vota riba dj'e. Esey ta tuma luga na Hulanda den nan parlamento. Pero



e Parlamento di Aruba tin un cos cu e por haci: para e ley.

Esey Parlamento di Aruba por haci na cualkier momento. Y cu miles di

firma, tur parlamentario lo ta mas cauteloso na momento di pidi pa sigui cu e ley aki. E ley ta kita autoridad di e gobierno y e parlamento di Aruba, pa pase den man di Hulanda, sin tin mester y sin cu Hulanda lo sa di haci un bon trabou di dj'e.

Ya caba e ley di reino cu Hulanda tin cu Curacao y St. Maarten, Hulanda mes a laga evalu'e, y a resulta cu e ley di reino ey a frena desaroyo socio economico di e paisnan. "Esey sigur nos no kier na Aruba, ademas, no tin mester" lider di fraccion di MEP Evelyn Wever-Croes a finalisa bisando.

Parlamentario Dangui Oduber:

ARUBA TIN UN GOBIERNO INVISIBEL, SIN MANEHO Y SIN VISION!



E gobierno di AVP-Futuro tin mas cu 7 luna gobernando e pais aki y nos tin cu bisa cu despues di 7 luna nan a resulta di ta un desapunto grandisimo. Pueblo a ser manipula, pueblo a ser engaña y e politica nobo y 'distinto' di Partido Futuro ta 'ver te zoeken'.

Loke ta resalta di e gobierno nobo aki ta nan ausencia. Nan ausencia den duna informacion, nan ausencia di splica nan maneho, nan ausencia di splica nan vision y naturalmente nan ausencia fisico na Aruba.

Aruba tin un gobierno caminda un minister di Corsou ta representa nos den Consejo di Minister di Reino, pasobra ainda minister Gerlien Croes NO por aproba un candidato di AVP pa bira Minister Plenipotenciario na Hulanda. Nos ta corda con Gerlien Croes

a insulta y humiya sra. Desiree Croes cu por cierto ta un candidato cu experiencia y bon prepara pa e funcion aki. E la bisa cu sra Croes NO ta integro y di e forma aki falta respet pa un persona cu un track record manera sra Desiree Croes. Tur e falta di respet aki segun Desiree Croes ta djis pasobra sra Croes lo a bisa Gerlien Croes cu e tin "lange tenen". Gerlien Croes a paga sra Desiree Croes bek y blokia su nombracion y en bes cu sr Mike Eman PARA pa dignidad y integridad di sra Desiree Croes, e la opta pa laga sra Desiree Croes cay manera un patia berde! Consecuentemente awe despues di 7 luna ainda Aruba NO tin un representante den Consejo di Minister di Reino.

E miembronan di e gobierno aki ta mas di biahe cu nan ta na Aruba. Varios miembro ta biaha pa biaha

y asina derocha y malgasta placa di pueblo. Si nos repasa e gabinete aki nos ta conclui tin ministernan cu nos no sa mes cu nan ta forma parti di e gabinete. Nos tin por ehempel minister Wyatt Ras cu ta manera un apagon. Te awe no a presenta ningun maneho, ningun vision y ningun direccion pa su ministerio. E ta manera un minister invisibel. Tin minister di turismo Cicilia cu ta now where to be found. Turismo tin vario reto manera overtourism y atende cu e reto di regulacion di vacation rentals pero tampoco ta scucha algo di maneho, vision of accion, tur ora ta palabranan grandi, bunita y elocuente pero nada nada di accion.

Minister Herde ta manera tanto bal bo tey of lagui tey! Minister Dowers ta mustra cansa y fada y ta bezig cu su salida den politica. Como dinosauro den politica y comportacion aki por ta comprendibel cu e la cansa y fada di tur e desasternan di Gerlien Croes cu ta insulta tur hende di AVP!

Nos por sigui cu minister di inflacion Geoffrey Wever cu tin 5 año bezig cu estudionan con pa mehora poder di compra pero mientrastanto un tin caminda mas pa pueblo sconde pa sla di prijs. Prijs di awa, coriente, gasoline, diesel, gas y comestibles ta impagabel na Aruba y minister Wever man crusa wak con pueblo

ta haya sla di prijs. E la priminti cu lo yena frigidirarenan bek na Aruba pero e realidad di awe ta cu no solamente frigidairenan ta mas bashi pero ni cushina hende un por cushina mas pa e aumento explosivo di prijs di gas cu e la introduci.

Minister Gerlien Croes a resulta e desapunto di mas grandi. Di ministernan manera Wyatt Ras, Cicilia, Herde no por a spera mucho toch pero sra Gerlien Croes como lider di Partido Futuro a priminti un politica nobo y diferente. E la haci masha hopi promesa cu awe den gobierno e NO a cumpli cu ningun! Profesionalnan a wordo engaña, laga na caya, docentenan a wordo gaña y e ta hibando un politica anticua di intimida tur hende cu ta cuestion'e!

Last but not least, prome minister Eman. Un prome minister desconecta y desorienta cu a perde su propio identidad y dignidad. Na momento bo ta permiti y acepta como lider di AVP pa Gerlien Croes humiya Desiree Croes di e forma cu e la haci e la perde tur respet pa su mes. Na momento bo ta laga De Meza cay y no ta presente como candidato pa minister ta muestra cu e no tawata tin confiansa den De Meza.

Como prome minister e no a crea un perspectiva, e no tin maneho y no tin vision y esaki ta bisto den comunidad!

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Partido MEP

MINISTER GERLIEN CROES TA SIGUI CREA RABIA DEN VELD DI ENSEÑANSA

- Mas y mas keho ta yega na Fraccion di MEP di e veld di enseñansa. Ta un veld cu a duna sosten grandi na partido Futuro y specialmente na e lider Gerlien Croes. Sinembargo actualmente tin un decepcion grandisimo, y ta wordo bisa cu miho nan a keda cu ex Minister Endy Croes.

No solamente Minister Gerlien Croes no ta cumpliendo cu tur e promesanan cu e mes a haci, sino tambe e ta kibrando tur proyecto cu e ex minister di enseñansa a traha riba dje, proyectonan cu a

traha hunto cu e veld, y esey ta un decepcion grandi pa e veld. E minister actual ta manera riba un racha di vengansa, en bes di construi cosnan nobo pa enseñansa.

Aparte di esey e minister ta existi pa tin control riba tur proceso, pero no ta tuma decision, y pues procesonan ta tarda. Ya caba docentenan cu mester a haña nan ambtsjubileum a keda sin haña nan, simplemente pasobra e minister kier haña tur cos cu mester firma, pero no ta pone



prioridad na firma cosnan importante. enseñansa. E veld toch tabata tin 3 aña di tranquilidad, pa awor haña tur e negativismo aki.

Mescos ta conta pa diferente toelagenan cu mester wordo paga na interne begeleiders, prima begeleiders, etc. Nan tin mas di dos luna ta warda riba e minister. Ta incomprendibel con Minister Gerlien Croes ta causando asina tanto descontento y friccion den e veld asina importante di

Fraccion di MEP lo bolbe trece esaki bou di atencion di e minister. Fraccion di MEP a haci e minister cantidad di pregunta, pero e ta nenga di contesta. Ta evalua pa yama e minister den Parlamento pa e duna cuenta riba su maneho.



Corte di Prome Instancia 2 oktober 2025

Horario	Sospechoso	Acto Castigabel
08.30	S.A.A.H.	A.H. ta wordo acusa di intento di homicidio, ladronicia y kiebros, intento di maltrato cu un arma y destruccion riba 18 di oktober 2024.
10.15	C.A.T.	T. ta wordo acusa di maltrato riba 12 oktober 2023.
11.00	M.A.W.	W. ta wordo acusa di desfalco den e periodo di 17 di mei 2025 y 26 di mei 2025.
11.30	J.A.L.H.	L.H. ta wordo acusa di importacion di marihuana riba 12 di mei 2025.
13.30	Y.A.C.U. J.D.L.B. I.J.M.D. N.J.A.D.	C.U. ta wordo acusa di ladronicia riba 17 di juli 2024, 31 maart 2024, 30 augustus 2024, 4 februari 2025, 11 februari 2025 y juni 2025.

Corte di Prome Instancia 3 oktober 2025

Horario	Sospechoso	Acto Castigabel
08.30	G.E.T.	T. ta wordo acusa di a viola ley di droga riba 24 di december 2024 y di homicidio riba 26 di december 2024.
10.30	J.F.O.d.J.	O.d.J. ta wordo acusa di a viola ley di droga den e periodo di 4 di maart 2025 y 10 di maart 2025.
11.15	E.P.T.	T. ta wordo acusa di kiebros y ladronicia riba 25 di maart 2025.

Clasificados

SOLODIPUEBLO@GMAIL.COM
CEL.585 9500

Otmar Oduber (PPA):

“POLARISACION NO TA BENEFICIOSO PA NOS HENDENAN Y TA CAUSA MAS DIVISION Y BRUHAMENTO CU UNION”

Durante conferencia di prensa awe mainta di fraccion di PPA, parlamentario Otmar Oduber y fractiemedewerker y miembro activo di PPA, Eduard Pieters a entrega un ‘minderheidsnota’ na Presidente di Parlamento. E ‘minderheidsnota’ aki tin vision, pensamiento, alternativa y posibel solucionnan di PPA pa loke ta trata e discusionnan cu ta andando actualmente di Rijkswet, cu ta bastante polarisa.

PPA a tuma rienda

“Manera ta conoci cerca boso, esaki no ta un topico cu ta awor nos a cuminsa cu ne, manera cu el a bira awor na Aruba. Fraccion di PPA a haci peticion for di januari pa un Reunion Publico, y awor casi cabando september ainda esaki no a tuma lugar,” ta loke Otmar a cuminsa na aclarea. Loke ta mas notabel ta cu, ningun partido no tabatin e curashi tampoco pa hiba e discusion di Rijkswet den comunidad. Mirando cu e lunanan ta pasando y cu Presidente di Parlamento no ta yama e reunion pidi for di januari y tampoco niun partido ta sali di informa comunidad, gremio, sindicato, instancia, PPA a tuma rienda y a cuminsa sinta den luna di juni y juli cu nan ronda di consulta. “PPA ta satisfecho cu mayoria di e gremionanan den nos comunidad, sindicato, comercial y otro instancia manera OPA, a responde positivo na e ronda di consulta. Nos a pone enfasis for di inicio, cu nos ta papia di forma un frente nacional. Un causa unda mester uni e pueblo aki”.

Polarisacion y su impacto

Segun parlamentario Oduber: “Door di tanto polarisacion,

comunidad tin un bruhamiento grandi y ni partido MEP ni partido AVP kier asumi nan responsabilidad y ta keda culpa otro. Fraccion di MEP ta bisa cu ta un ley traha y firma pa e gobierno aki y fraccion di AVP ta bisa cu nan a djis sigui cu loke MEP a dicidi y laga atras. Pues e informacion cu ta sali pa comunidad ta uno hopi bruha y confuso. Y riba dje, cada biaha ta bin un documento mas dilanti y concepto traha den pasado.”

Delegacion saliendo sin sosten di Parlamento

Loke ta mas lamentabel ta, cu e comision cu ta atende cu IPKO, ta sali diasabra awor. “Pero Parlamento mes y 24 ora prome cu e delegacion sali pa Hulanda, no tin un unidad y mucho menos tin sosten di Parlamento pa loke ta trata agenda y standpunt,” Otmar a enfatisa.

Rond di 3500 hende exclui

E caso cu Otmar a lanta den corte ta cuestion di principio y e ta respeta e decision di corte, a pesar di no ta di acuerdo cu loke hues a indica. Otmar ta di opinion cu un parlamentario ta representa un ‘stemmer’, pues esunnan cu a vota p’e y tin cu represent’e sin limitacion. “Na e momentonan aki nos a wordo limita, door cu ami no por participa na e reunionnan ey den e comision cu ta trata e topico y e posicion di Aruba na IPKO. Pues bo ta exclui un parti di bo comunidad y sigur e 3500 hendenan cu a vota pa PPA”. Otmar a elabora cu den tur comision tin un representante y nan ta splica nan coleganan den fraccion kico nan ta dicidi den e comision.



“Pues PPA no ta den e comision y PPA no ta haya informacion. Nos no conoce posicion di Aruba, nos conoce e polarisacion pa loke ta trata opinion, puntamento di dede riba otro, pa loke ta trata opinion di Rijkswet, pero nada mas. P’esey e ‘minderheidsnota’ aki ta fundamental pa nos.”

Pa conclui PPA ta di opinion cu e discusion riba Rijkswet no por keda na un wega politico di culpa

y manipulacion. Pueblo mester claridad, unidad y direccion, no mas bruhamiento. Cu entrega di e ‘minderheidsnota’, fraccion di PPA ta muestra liderazgo y curashi pa pone alternativa concreto riba mesa. Segun Otmar Oduber y Eduard Pieters, Aruba mester busca un frente nacional unda pueblo y Parlamento ta uni, pa defende nos autonomia y futuro, sin mira color politico.

Clasificados










SOLODIPUEBLO@GMAIL.COM

CEL. 585 9500



GERLIEN A HABRI PORTA PA CHAOS Y “FREE FOR ALL” ATROBE NA CRECHE; EL’A CERA E DEPARTAMENTO

Un decision di minister Gerlien Croes a pone Aruba den un situacion hopi peligroso: el’a elimina e departamento cu tabata organisa y regula tur cos rond di Kinderopvang (creche). E departamento aki tabata e mesun cu tabata implementa e Ley di Creche y tabata pone regla pa proteha nos muchanan chikito.

Cu esaki, Aruba ta bolbe bek na un era di “free for all”, un epoca caminda no tin control, no tin regla, y cualkier hende por tene 30 mucha den un cas bao di un solo leidster, sin atencion pa hygienia, sin normanan cla y sin ningun proteccion pa esnan di mas vulnerabel.

Peligro real pa mucha

Tur hende sa cu e tema di creche no ta un joke. Den pasado tabatin situacionnan tristo cu a pasa, incluso caso caminda mucha a perde bida den creche. Esaki a pone precision pa crea regulacion serio: mas control, mas hygienia, y un limite cla di cuanto mucha un leidster por tin bao su vigilancia. Elimina e departamento aki ta hustamente kita vigilancia y obstaculisa pa pone den practica e proteccionnan aki.

Ta dal paso grandi patras

Eliminacion di e departamento ta muestra como un paso hopi grandi patras. Enbez di sigui pa lanta un sistema sigur pa muchanan y pa hopi famia



cu ta depende di creche, e decision di minister Gerlien Croes ta kibra tur esfuerso haci y ta pone nos muchanan den riesgo.

Un mama cu ta manda su yu na un creche a bisa cu lagrima: “Nos ta depende di creche pa por traha. Pero sin regulacion, ken lo

ta garantiza cu mi yiu ta na un luga sigur? Mi no kier haya sorpresa cu un noticia cu algo a pasa cu mi yiu. E gobierno mester wak pa nos, no kita proteccion di nos.”

Falta di vision

Na momento cu hopi pais

ta fortalece proteccion pa mucha, Aruba ta bay den un direccion contrario. Esaki ta duna un imagen cu gobierno no ta pone prioridad riba seguridad di generacionnan di futuro.

Minister Gerlien Croes mester duna claridad na pueblo: kiko e ta gana cu elimina regulacion? Ta keda cla: e muchanan di Aruba ta e victima grandi di decision descabeya di Gerlien Croes.

Kico AVP ta bisa ?

Partido Avp den pasado a bin cu e ley aki. Nan mes a boga pa mas control na creche. Awor cu e regulacion a cuminsa, Gerlien ta yega y bente abao ?

CUERPO POLICIAL AWO TIN 24 AGENTE NOBO CLA PA SIRBI COMUNIDAD

Diabierna mainta, School di Polis Watty Vos a celebra su 50 aniversario y na mes momento a tuma luga un ceremonia di huramentacion y entrega di diploma na un grupo di polis.

Inspector y cabesante na Politie Opleiding School, Sharina Arindell na e ocasion special awe, a comparti su sentimento pa cu graduado y awo coleganan nobo den Cuerpo Policial.

Ta trata di un grupo di diesdos colega polis di e inicia na 2024 cu a huramenta, adicional un grupo

di binticuatro agente (2021) cu a termina nan formacion policial despues di cuater aña.

Inspector Arindell a indica cu e MBO diploma cu cada estudiante a ricibi awe ta nivel 4 y ta un diploma acredita. E trayectoria no ta uno facil, pero asina mes, di e binticinco estudiante cu a cuminsa e opleiding, un so a cay afo. Na momento cu inicia e formacion tin hopi preparacion fisico cu ta tuma luga, pa esaki ta conseha cada hoben cu kier forma parti di Cuerpo Policial di Aruba pa



nan ta bon prepara. Ademas di e parti fisico, tin e parti di teoria, y hopi ta pensa cu ta practica so tin cu domina, pero tambe mester por domina strafvordering y

strafrecht pa asina nan por pone e conocemento aki den practica. Inspectora Arindell ta felicita tur colega cu a huramenta y esnan cu a caba nan MBO4 Opleiding.

MINISTER DI HUSTICIA A ANUNCIA MANEHO NOBO PA PERSONANAN NO DOCUMENTA

Dialuna mainta, Minister di Husticia mr. drs. Arthur Dowers, despues di un evaluacion di e maneho temporal di regularisacion di personanan indocumenta yama "Hunto pa Progreso", a anuncia cu entrante 1er di october 2025, stranheronan cu ta indocumenta riba Aruba y cu a drenta prome cu 1 di juli 2025 di forma regular via Aeropuerto Internacional Reina Beatrix por haci nan peticion di permiso di trabao sin cu nan tin (ainda) un dunado di trabao.

"Hunto pa Progreso" ta un maneho temporal di Ministerio di Husticia y ehecuta pa DIMAS, cu ta dirigi riba e uzo optimalisa di e potencial di stranheronan presente, pa cumpli cu e necesidad laboral den cual personanan sin permiso di trabao, por regla nan status y integra den nos mercado laboral di forma legal.

Na luna di augustus 2025, Minister

di Husticia a anuncia tres trayecto den e maneho Hunto pa Progreso; Trayecto 1: ta duna personanan cu status irregular cu ta trahando caba, e oportunidad pa regla nan papelnan y traha sin miedo di keda deporta. Trayecto 2: ta duna esnan casa cu un persona local of persona cu status legal, e oportunidad pa forma parti di e mercado laboral, y ademas ta duna nan yiu(nan) riba 18 aña y cu ta studiando na un instituto educacional reconoci na Aruba, e oportunidad pa traha banda di nan estudio, segun e duracion di e estudio.

Trayecto 3: ta duna e personanan cu 5 aña legal, e oportunidad pa haya un permiso Flex pa maximo 5 aña y no ta mara na un dunado di trabao. Cu e anuncio awe di Trayecto 4, tur stranhero cu ta presente, pero door di overstay di nan estadia turistico cu tin un status irregular y den e lunanan cu a transcuri no tin ni tampoco a logra haya dunado di

trabao, awo por procede y haci un peticion pa un permiso di trabao cual ta ser duna pa un termino di 1 aña. E intencion ta pa dentro di e periodo di maximo 1 aña e persona por busca (y haya) un dunado di trabao.

E permiso di trayecto 4 ta duna su portador e oportunidad pa traha den servicio na cualkier compania cu ta registra na Departamento di Impuesto. E permiso di estadia ta uno cu ta ser duna eenmalig y ta pues di caracter provisorio y transitorio. Su portador ta haya e oportunidad pa dentro di un periodo di 1 aña, busca y haya un dunado di trabao p'e por sigui cu su proceso di permiso di trabao regular.

Trayecto 4 ta drenta na vigor entrante 1er di october y ta termina 31 di december 2025. E oportunidad aki pa personanan indocumenta registra y regularisa nan estadia, ta



unico y ta urgi pa haci uzo di esaki prome cu e periodo vence fin di aña.

Despues di e implementacion di e maneho di Hunto pa Progreso, autoridadnan competente lo intensifica e controlnan den empresanan y tambe lo actua contra facilitadonan di personanan cu no ta regular, y por spera cu lo actua cu man duro. Pa mas informacion di cada trayecto, por bishita www.dimasaruba.aw. Ademas por traha cita pa inicia e proceso door di scan e QR code.

UN VISION NOBO PA ARUBA: REFORESTACION, AGRICULTURA INNOVATIVO Y EDUCACION CU FUTURO

Aruba ta den un punto crucial den su desaroyo. Den un mundo cu cambio climatico, dependencia economico limita y un mercado local cu ta sinti presion di importacion, tin un generacion nobo cu ta lanta pa trece cambio.

Estudiante Jacob Scholten, actualmente den su ultimo aña di estudio Innovatief Plantenteelt na Van Hall Laurenstijn Hogeschool na Leeuwarden, Hulanda, ta comparti su inspiracion pa un Aruba mas berde y mas autosuficiente. Su pasion ta conecta cu e plan ambicioso pa reforestacion den nos isla. Segun Scholten, por combina biodiversidad cu agricultura pa crea un pilar economico nobo, cual lo no solamente trece bida bek den nos naturalesa, pero tambe stimula un desaroyo economico mas stabiel y sostenibel.

Aruba ta importa mayoria producto for di exterior. Cultivando nos propio fruta y berdura, na escala comercial, por reduci prijs local y duna un

oportunidad pa crecimiento economico. Scholten a pone enfasis riba vertical farming, un metodo moderno pa uza espacionan limita di manera mas eficiente. Den un espacio cu clima controla, por cultiva productonan cu normalmente no ta crece den nos clima tropikal. E uso di greenhouse y hightech farming lo habri un mundo nobo pa Aruba su autosuficiencia alimentario. Scholten a confirma cu e ta cla pa bolbe Aruba despues di su estudio pa contribui cu e desaroyo di e pilar economico nobo cu ta agricultura comercial innovativo.

Na mesun direccion, Garlon Hasham, docente di informatica na Groningen y mentor pa studiantenan Arubano na Hulanda, ta subraya cu e cambio mester cuminsa for di educacion. Hasham a enfatisa cu nos sistema educativo ta data di temponan bieuw y no ta prepara nos hubentud pa e retonan di mañan.



Mester inclui informatica, sostenibilidad y entrepreneurship como parti central di nos curiculo di skol basico. Nos hubentud mester desaroya competition thinking, peer reviewing y habilidadnan digital, combina cu un comprension di nos sistema ecologico. Esaki lo duna nan e base pa bira profesionalnan cu por guia Aruba pa un futuro sostenibel.

E mensahe ta cla; Aruba mester inverti den educacion, naturalesa y inovacion pa asina crea un pais autosuficiente, sostenibel y prospero.

Eduard Pieters (PPA):

UN MOVECION POLITICO IRESPONSABEL PA NOS MUCHANAN



E pregunta cu mas a resalta den fin di siman na PPA tabata: pakico a cera Departamento di Mucha y Hoben (DMH), cu ta parece mas di ta un decision burocratico combina cu sed pa negligencia politico. Tin un cantidad di documento manera di; SER, UNICEF, KPMG, Adviescommissie 2005, etc. cu tabata boga pa bin cu un ley pa regula e centronan di cuido di mucha na Aruba, manera ta na tur parti mundo. Den wega no ta cuestion di presupuesto, wega politico, pero seguridad y bienestar general di Aruba su muchanan, esunnan mas vulnerabel den nos comunidad. E movecion aki ta uno irresponsabel y un paso enorme atras, cu ta mina decada di advertencia, obligacion local y internacional y progreso fragil cu nos ta haci den proteccion di mucha.

Un historia di negligencia

“For di e añanan setenta, Aruba a mira un crecimiento descontrola den centro di cuido di mucha. E gobiernonan anterior a reconoce esaki y a traha riba e Ordenansa Nacional Centro di Cuido di Mucha, cu ta rekeri permiso pa opera un centro di cuido di mucha y cu esey mester ta mara na standard di calidad: cualificacion di personal, espacio disponibel, higiena, seguridad y guia pedagogico. Pero

pa mas di 30 aña e ley a keda den lachi, yena di eror tecnico y di ehecucion, sin implementacion y boluntad politico”, Eduard a señala. E gobierno di AVP na 2017 ta esun a bolbe pasa e ley aki den Parlamento, pa asina den 2018 cuminsa na implementa e ley. E roadmap di implementacion completamente ignora

Segun Eduard: “Cerando DMH ta desvia totalmente di e roadmap cu tanto instancia y comunidad a pidi. Ademas for di nos fuente di informacion nos por a compronde cu tin un ‘instellingsbesluit’ traha pa DMH. E preguntanan ta e ora: Con y ken lo sigui vigila e Registro Nacional di e Centronan di Cuido di Mucha? Ken lo supervisa y preveni un centro sin permiso y sin seguridad pa sigui opera? DMH a duna un base di supervision cu finalmente a crea un minimo di confianza.

Mas pio ainda, DMH a introduci un sistema di Intervencion Trempan pa mucha entre 2-4 aña, den colaboracion cu DVG/JGZ. Esaki no tabata un luho, sino un necesidad pa detecta problema tempran y salba direccion di desaroyo y carera escolar di un mucha. Ta irresponsabel pa stop cu e programa y e lo kita tur speranza di e famianan y specialmente e muchana, cu mas mester tin dje”.

Unda e evidencia ta?

E punto crucial: unda e rapportnan cu ta prueba cu DMH a fayata? Unda e evaluacionnan di su impacto, investigacion di su eficiencia, of audit di su presupuesto ta? Esaki ta parece di ta un decision tuma sin fundamento, sin transparencia, y sin profesionalismo. Den fondo esaki ta parece mas un movecion pa complace un grupo chikito, cu ta pone e bienestar di nos muchanan na ultimo lugar y ganashi propio na prome lugar.


PPA ta pone nos muchanan prome cu politica

“Cu e ceramento di DMH ta obvio un traicion di confiansa, profesionalismo y transparencia

cu pueblo y tur e profesionalnan cu a traha riba varios aspecto importante pa Aruba su muchanan. Tambe e ta obstaculisa e ehecucion di e ley di “kinderopvang” cu ta asina importante pa siguridad y desaroyo optimal di nos muchanan. Liderazgo berdadero ta ora bo ta defende derecho di esunnan mas vulnerabel y no ta sacrifica nan pa un movecion politico. Nos muchanan mester ta na prome lugá y PPA lo exigi transparencia, responsabilidad y accion. Aruba no por sigui biba cu un gobierno cu ta trata derecho di mucha manera un opcion of wega di popularismo. Nos muchanan merece siguridad, proteccion y un futuro digno,” Eduard a finalisa bisando.



CONDICION CU TRAHADO DI DEPARTAMENTO DI RIJBEDIJS TA ADEN TA INACEPTABEL



Minister di Husticia, Integracion y Transporte Publico mr. drs. Arthur Dowers a haci diferente bishita recientemente na departamento bao su maneho cu mas lihe posibel mester di mantencion urgente. E mandatario, sorprendi un biaha mas, ta bin topa cu situacion di deterioro na diferente departamento di husticia. Durante su

gubernacion anterior a bin haya e mesun situacion cu ta encontra awe, caminda edificio pa falta di mantencion ta den decadencia total. Departamento di rijbewijs na Santa Cruz, den un edificio cu a bin haya e tempo aya caba na werki, ta den situacion inhumano pa traha aden y atende cu publico, pa locual ta trata rijbewijs. E tempo ey a

traha duro pa soluciona diferente obstaculo, pa awe lamentablemente bin constata cu e trahadonan ta den un condicion cu ta absolutamente inaceptabel. Si acaso no a bin un investigacion ainda, e ta na su luga pa haci esaki.

“Mi mes a drenta e luga y sali cu wowo y nanishi ta kima”, ta locual

cu Minister a indica despues di su bishita na departamento di rijbewijs na Santa Cruz. No ta kere cu por acepta pa trahadonan continua mucho largo mas den e condicionnan aki.

Hopi lihe mester bin un intervencion pa atende cu salud di trahado, mas ainda cu e mandatario mes a constata e condicion cu nan ta aden. E situacion aki absolutamente no ta aceptabel.

HOTLINE



744-0444

CAPT'E Y MAND'E



MAS LIHE POSIBEL TIN CU TRATA RIBA E FACILIDAD DEN KIA PA ATENDE CU ADICTO AMBULANTE



Pa locual ta trata e instituto coreccional riba su mes, esaki ta consisti di diferente departamento den e organisacion. E compleho di KIA den su totalidad ta den situacion hopi malo na e momentonan aki. Un analisis mas extenso tin cu tuma laga urgente, pa

garantisa seguridad di tanto e detenidonan como e personal di KIA. Minister di Husticia mr. drs. Arthur Dowers tin atencion pa locual ta trata e grupo cu ta riba caya y causando un reto hopi grandi pa e comunidad. Adictonan ambulante cu mester sali for di den

comunidad y ubica den un facilidad pa haya tratamiento. Intencion ta pa nan haya tratamiento pero tambe limita e riesgo cu nan ta causa daño den comunidad y na bienestar di hende y nan mes riba caya. Minister Dowers a indicia



cu e accionnan aki lo mester bin den un corto tempo, y mester interveni extensamente den parti di facilidadnan den KIA pa asina garantisa cu por atende cu e grupo aki. Den pasada e grupo di adicto cu ta bay bao curatela y ta pasa pa e opvang, pero esaki tin cu bay reactiva den forma

rapido pa asina garantisa cu por cuminsa reduci e presion cu e grupo aki ta causa den comunidad.

Riba rednan social, media, den pueblo, como tambe den e areanan afecta manera entre otro centro di ciudad, Oranjestad ta sinti y biba e problematica aki diariamente.

Minister Geoffrey Wever:

IMF ta na Aruba den cuadro di Article IV Mission 2025

Oranjestad, 23 di september 2025 – Diamars mainta, minister di Finansa, Asunto Economico y Sector Primario Geoffrey Wever a reuni cu un delegacion di International Monetary Fund (“IMF”) den cuadro di e mision Article IV Consultation 2025. Durante e mision di 23 di september pa 6 di october lo enfoca riba desaroyo actual y den futuro riba tereno financiero, economico y monetario. E delegacion di IMF ta encabesa pa sr. Marco Arena, sr. Justin Thyme, sra. Olga Bepalova y sra. Toyosi Ojo.

Despues di e “pre-visit” di IMF riba prome di oktober di aña pasa como preparacion pa e mision aki, minister Geoffrey Wever y IMF a elabora riba Aruba su

vision y maneho financiero y economico.

Crecemento economico tabata un topico importante mirando desaroyonan geopolitico, guerra y e posibel impacto di e trade war riba crecimiento di Aruba su economia. Cu un relacion directo entre economia y finansa publico, minister Geoffrey Wever a elabora riba ehecucion di e presupuesto 2025 cu ta muestra un crecimiento den entradanan di gobierno compara cu 2024. Crecemento di entre otro entradanan di bbo y invoerrechten ta indicadornan di mas actividad economico.

Dependencia di un solo industria ta keda un riesgo

pa desaroyo di Aruba y pa entradanan di gobierno. Como minister di asunto economico, minister Geoffrey Wever a duna IMF un update riba maneho economico di Gabinete AVP-FUTURO pa crea mas sectornan economico manera agricultura comercial, industria creativo y sector di tecnologia financiero. Via presupuesto di Aruba y den cooperacion cu Hulanda via Landspakket diferente accionnan concreto ta den ehecucion pa stimula e diversificacion di Aruba su economia.

Riba tereno di finansa publico a elabora riba cu despues di 5 luna di huramentacion, Gabinete AVP-FUTURO a entrega e Presupuesto 2026 na tempo segun ley ta stimula, ta cumpli cu e normanan normanan di presupuesto manera ancla den ley y ta duna bek na comunidad. Den e presupuesto 2026 Gabinete AVP-FUTURO lo aloca entre otro structuralmente 50 miyon florin na inversion y 50



miyon florin na mehoracion di poder di compra como parti di implementacion di e Fondo di Inversion y Koopkrachtplan. Den e presupuesto 2026 tambe tin e extra suma aloca pa y pago di extra 250 florin na Reparatieoeslag cu desde 1 di mei 2025 a wordo duna tur luna na tur pensionadonan. Den e entradanan proyecta pa 2026, e bahada di e accijnzen riba gasoline y diesel pa tur usuario cu 10 cent tambe desde 1 di mei ta keda vigente y tur usuario lo sigui haya

esaki ora cumpra gasoline y diesel.

“IMF ta un organizacion internacional cu ta evalua e desaroyo di nos pais continuamente y ta importante pa duna informacion concreto riba ehecucion di maneho riba tereno economico, financiero y monetario sostenibel, pa fortifica economia y desaroyo di Aruba cu pasonan concreto”, segun Minister di Finansa, Asunto Economico y Sector Primario Geoffrey Wever.

MAS LIHE POSIBEL TIN CU TRATA RIBA E FACILIDAD DEN KIA PA ATENDE CU ADICTO AMBULANTE



Pa locual ta trata e instituto coreccional riba su mes, esaki ta consisti di diferente departamento den e organisacion. E compleho di KIA den su totalidad ta den situacion hopi malo na e momentonan aki. Un analisis mas extenso tin cu tuma luga urgente, pa

garantisa siguridad di tanto e detenidonan como e personal di KIA. Minister di Husticia mr. drs. Arthur Dowers tin atencion pa locual ta trata e grupo cu ta riba caya y causando un reto hopi grandi pa e comunidad. Adictonan ambulante cu mester sali for di den

comunidad y ubica den un facilidad pa haya tratamiento. Intencion ta pa nan haya tratamiento pero tambe limita e riesgo cu nan ta causa daño den comunidad y na bienestar di hende y nan mes riba caya. Minister Dowers a indicia

cu e accionnan aki lo mester bin den un corto tempo, y mester interveni extensamente den parti di facilidadnan den KIA pa asina garantisa cu por atende cu e grupo aki. Den pasada e grupo di adicto cu ta bay bao curatela y ta pasa pa e opvang, pero esaki tin cu bay reactiva den forma

rapido pa asina garantisa cu por cuminsa reduci e presion cu e grupo aki ta causa den comunidad.

Riba rednan social, media, den pueblo, como tambe den e areanan afecta manera entre otro centro di ciudad, Oranjestad ta sinti y biba e problematica aki diariamente.

Minister Geoffrey Wever:

IMF ta na Aruba den cuadro di Article IV Mission 2025

Oranjestad, 23 di september 2025 – Diamars mainta, minister di Finansa, Asunto Economico y Sector Primario Geoffrey Wever a reuni cu un delegacion di International Monetary Fund (“IMF”) den cuadro di e mision Article IV Consultation 2025. Durante e mision di 23 di september pa 6 di october lo enfoca riba desaroyo actual y den futuro riba tereno financiero, economico y monetario. E delegacion di IMF ta encabesa pa sr. Marco Arena, sr. Justin Thyme, sra. Olga Beshpalova y sra. Toyosi Ojo.

Despues di e “pre-visit” di IMF riba prome di oktober di aña pasa como preparacion pa e mision aki, minister Geoffrey Wever y IMF a elabora riba Aruba su

vision y maneho financiero y economico.

Crecemento economico tabata un topico importante mirando desaroyonan geopolitico, guerra y e posibel impacto di e trade war riba crecemento di Aruba su economia. Cu un relacion directo entre economia y finansa publico, minister Geoffrey Wever a elabora riba ehecurion di e presupuesto 2025 cu ta muestra un crecemento den entradanan di gobierno compara cu 2024. Crecemento di entre otro entradanan di bbo y invoerrechten ta indicadornan di mas actividad economico.

Dependencia di un solo industria ta keda un riesgo

pa desaroyo di Aruba y pa entradanan di gobierno. Como minister di asunto economico, minister Geoffrey Wever a duna IMF un update riba maneho economico di Gabinete AVP-FUTURO pa crea mas sectornan economico manera agricultura comercial, industria creativo y sector di tecnologia financiero. Via presupuesto di Aruba y den cooperacion cu Hulanda via Landspakket diferente accionnan concreto ta den ehecurion pa stimula e diversificacion di Aruba su economia.

Riba tereno di finansa publico a elabora riba cu despues di 5 luna di huramentacion, Gabinete AVP-FUTURO a entrega e Presupuesto 2026 na tempo segun ley ta stimula, ta cumpli cu e normanan normanan di presupuesto manera ancla den ley y ta duna bek na comunidad. Den e presupuesto 2026 Gabinete AVP-FUTURO lo aloca entre otro structuralmente 50 miyon florin na inversion y 50



miyon florin na mehoracion di poder di compra como parti di implementacion di e Fondo di Inversion y Koopkrachtplan. Den e presupuesto 2026 tambe tin e extra suma aloca pa y pago di extra 250 florin na Reparatieoeslag cu desde 1 di mei 2025 a wordo duna tur luna na tur pensionadonan. Den e entradanan proyecta pa 2026, e bahada di e accijnzen riba gasoline y diesel pa tur usuario cu 10 cent tambe desde 1 di mei ta keda vigente y tur usuario lo sigui haya

esaki ora cumpra gasoline y diesel.

“IMF ta un organisacion internacional cu ta evalua e desaroyo di nos pais continuamente y ta importante pa duna informacion concreto riba ehecurion di maneho riba tereno economico, financiero y monetario sostenibel, pa fortifica economia y desaroyo di Aruba cu pasonan concreto”, segun Minister di Finansa, Asunto Economico y Sector Primario Geoffrey Wever.

MINISTER WENDRICK CICILIA A DESTACA 'HENDE Y SOSTENIBILIDAD' RIBA DIA MUNDIAL DI TURISMO



Oranjestad - Diabierna, dia 19 di september 2025, Aruba Tourism Authority a organisa "World Tourism Day Conference" na St. Regis Resort Aruba, conmemorando e tema di e aña aki "Turismo y Transformacion Sostenibel".

E evento a trece hunto lidernan, stakeholdernan y expertonan den e industria di turismo pa discusionnan riba e futuro di turismo na Aruba y mas aleu.

Minister di Turismo, Transporte y Labor mr. Wendrick Cicilia a tene un discurso inspirativo resaltando e importancia di hende y sostenibilidad como e impulsornan dobel di e transformacion turistico di Aruba.

"Nota midi turismo solamente den yegada di bishitante of ocupacion di hotel, e ta un realidad door di hende", Minister Cicilia a expresa. El a continua bisando cu: "Nos bartendernan, esnan encarga cu housekeeping, chefnan,

taxistanan, tourguide y otro nan ta transforma tareanan comun den experiencianan extraordinario. Nan ta e heroenan anonimo di nos industria y transformacion sostenibel mester cuminsa door di balora nos heroenan."

Minister Cicilia a enfatisa cu e agenda di turismo sostenibel di Aruba ta basa riba tres pilar fundamental:

- Supervision ambiental; salvaguardia e beachnan, rifnan y recursonan natural di Aruba.
- Inclusion social; garantisa oportunidadnan husto y condicionnan digno pa tur

trahado den e sector turistico.

- Resiliencia economico; enfoca riba turismo impulsa pa balor door di atrae e bishitantenan di calidad y fomenta innovacion.

Mas aleu el a enfatisa cu sostenibilidad no ta solamente tocante responsabilidad ambiental pero tambe tocante proteha e medionan di subsistencia y garantisa cu e beneficiarnan di turismo ta comparti den henter comunidad.

Organisa pa Aruba Tourism Authority, e conferencia a conta cu

presentacionnan principal, panel discussion, sesion di networking, reafirmando e compromiso di Aruba cu un acercamento colectivo den construccion di un futuro sostenibel pa turismo.

Minister Cicilia a termina su discurso bisando:

"Turismo ta e curason di nos economia, e wes'i lomba di turismo ta nos hendenan. E curason ta provee vitalidad y prosperidad, pero e wes'i lomba ta provee estabilidad. Ta nos hendenan ta esnan cu ta garantisa e exito di nos modelo turistico."



Clasificados

SOLODIPUEBLO@GMAIL.COM
CEL. 585 9500

SOLO *Di Pueblo*


SOPI DI LETRANAN



CUADRADO



RECTANGULO



TRIANGULO



CIRCULO



ROMBO



CORAZON



ESTRELLA



OVALO

A	C	T	A	C	D	R	O	S	T	E
S	O	F	E	I	B	V	A	M	O	S
C	R	B	L	R	V	O	N	I	L	T
T	A	D	A	C	F	L	O	S	G	R
I	Z	V	O	U	O	U	A	S	N	E
M	N	T	H	L	D	G	C	S	A	L
Q	C	U	A	O	R	N	J	O	T	A
L	Ñ	L	I	C	B	A	D	P	C	I
E	M	T	A	K	D	T	O	S	E	E
A	O	M	B	O	A					P

Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.
Amen.

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

Parlamentario Dennerich Kelly:

ALZHEIMER TA UN RESPONSABILIDAD COMPARTI

Inverti awe den prevencion y gana salud mañan



ORANJESTAD (23 di september 2025) – Den cuadro di Dia Mundial di Alzheimer y su tema: kita e stigma y stimula un cuidu di compasion, parlamentario di fraccion AVP Dennerich Kelly, kende ta bin for di e sector di salud, a comparti cu Alzheimer no ta solamente un maleza di hende grandi, manera hopi ta pensa, pero cu por toca hoben tambe. Den mesun rosea e ta afirma cu Alzheimer ta un reto pa henter sociedad y cu mester uni den crea un comunidad comprensivo y solidario. Bon Comun

E fenomeno di vergrijzing ta nifica cu riesgo pa Alzheimer lo aumenta. Esey ta pone nos dilanti di un responsabilidad: compasion y union. Alzheimer no ta solamente di e persona cu ta haya e diagnostico, sino tambe di su famia y circulo. “Compasion no ta debilidad, ta un forsa cu por kibra stigma y fortalece comunidad,” Kelly ta indica. “Hobennan, boso ta futuro di Aruba. Siña cu respet y cuidu pa otro ta un señal di liderazgo. Haciendo esey, boso ta para banda di esunnan cu ta enfrenta momentonan bunita y dificil.”

Maneho di Pais
Gobierno mester di un

estrategia cu ta bay mas leu cu trata e enfermedad so. AVP ta para pa inclusividad y sostenibilidad cu un maneho na beneficio di pashent, famia y profesional di cuidu. Prevencion ta esencial pa medio alimentacion balanza y un estilo di bida activo. Tambe e parlamentario ta boga pa un maneho cu atencion na remedi cu por tin efecto secundario. “Si nos actua cu responsabilidad awe, nos ta preveni gasto mañan y aumenta calidad di bida pa tur hende,” Kelly ta indica.

Diagnostico
E proceso ta hopi ineficiente. P’esey gobierno mester fortalece e prome liña (dokter di cas) y segundo liña pa yega na un diagnostico cla. Screening so no ta suficiente; diagnostico riba papel ta fundamental pa duna pashent y su famia claridad, sosten emocional y autonomia pa tuma decision. Esaki ta crea oportunidad pa cuidu digno y pa mantene respet pa boluntad personal. Compasion y Solidaridad Alzheimer ta recorda nos cu malesa no ta discrimina. Maneho no por ta djis un tema politico; comunidad henter tin un rol. Hunto nos por crea un sociedad cu ta proactivo den maneho di salud individual y general.

Mira con Dios a salva mi, Tur mi confianza ta den djE,
Señor Dios ta mi forsa, mi refugio. E mes t’Esun cu a salva mi. Isa as 12:12

Cu inmenso tristeza na nos curason, pero conforme cu boluntad di Dios, nos ta anucia fayecimento di nos mama, wela, bisawela, ruman y tanta:

Sra. Vda. Maxima E. Semeleer - Paesch
Cariñosamente yama “Shomina”, “Mamina”
*01-02-1934 - 13-09-2025



Casa:
Rafael Semeleer
Na nomber di su yuinan:
Marcia Paesch y yiu
Cadia Paesch y yiu
Francisco (Scnt) y Gina Semeleer – Jansen y yiu
Antonio (Tony) y Alva (Jolanda) Semeleer - Geerman y yiu
Dominico Semeleer y compañera y famia
Magaly y Pedro Zievinger- Semeleer y yiu
Rafael (Ito) Semeleer
Johnny Semeleer
Elvis y Esther Semeleer y yiu
Vda. Glenda y †Ildo Vrolijk -Semeleer y yiu

Nieto- y nietanan:
Carina y Jeffrey Rojer-Figaroa y yiu
Javier Flanders
Eldrick Noël
Kimberly Semeleer y Tim Remijn
Franky Semeleer
Shuraima Henriquez y yiu
Jeffrey Semeleer y Joanne Vrolijk y yiu
Samantha Semeleer y Kevin Tromp yiu
Militza y Jeffrey Croes-Zievinger y yiu
Eunice Semeleer y Yakira Gabriel-Torres
Priscylla Semeleer y Janine Nicolaas
Zeick Larmonie y yiu
Hiram Vrolijk

Rumannan:
Brunilda Paesch y famia
Margarita Paesch y famia
Vdo. Johan (Buchi) y Emila Paesch-Jacopucci y famia
Helena y Ronny Brete-Paesch y famia
Carmen Paesch y famia
Maria Paesch y famia

Amiganan di cas: Maria Marin, Dina Geerman.

Su bisanieto- y bisanietanan, sobrino- y sobrinanan, sua y cuñanan, primo- y primanan, Ihanan, comer y compennan, bon bisinanan, amistadnan y demas famia:
Paesch, Semeleer, Jansen, Geerman, Zievinger, Vrolijk, Figaroa, Rojer, Flanders, Noel, Croes, Remijn, Larmonie, Kelly, Henriquez, Werleman, Ras, Jacopucci, Brete, Ruiz, Flanegin, Chung, Eckmeyer, Tromp, Marin.

Un danki special ta bay pa dr. Christianne Zuijerdhoudt, dr. Carolina Becker, dr. Karina Kelly, Asst. Yadira Britten y tur otronan cu a yuda Shomina.

Oportunidad pa condolencia lo tuma lug na: Aurora Funeral Home
Diamars 23 september 2025 anochi di 19:00 pa 21:00.

Ta invita tur demas famianan, amigonan y conoci nan pa asisti na acto di entierro cu ta tuma lug: Diaranson 24 september 2025 mainta di 9:00 pa 11:00 na Parokia St. Anna, Noord.

Desculpa nos si den nos tristeza nos por a lubida di menciona un of otro famia.
Nos ta lamenta cu despues di entierro nos no por ricibi bishita di condolencia na cas.

PROME MINISTER MIKE EMAN A BISHITA BRANDEVOORT DE VESTE

Vision di Gobierno pa Port City bira area residencial pa local



Brandevoort de Veste ta un bunita inspiracion pa desaroyo di un area residencial nobo pa Aruba. Prome Minister mr. Mike Eman, a busca contacto cu esnan responsabel cu a crea e barío aki, y a haci un bishita personal pa mira e proyecto aki. Brandevoort de Veste ta un barío relativamente nobo cu ta situa na Helmond y a keda completa na 2005. E barío aki ta consisti di

casnan cu ta construi den un patronchi no linear y ta crea clusters di casnan cu ta rondona areanan berde y sitionan comun.

Gabinete AVP-Futuro tin plan pa cambia e proyecto di Port City riba e tereno grandi di Waf na Oranjestad, den un Port Town pa nos hendenan local y no condominio pa hendenan di afo. Ta trata di casnan di un of dos piso den cual e

hendenan ta bin hunto, tin un scol, parkenan pa recrea, un cantidad di mata cu ta duna sombra etc. E concepto ta trece comunidad hunto.

Prome Minister Eman ta spera di pronto por trece e grupo di desaroyadornan aki Aruba pa hunto cu arkitectonan local y eventualmente un of mas universidad, desaroya e diseño di Port Town. E diseño aki ta duna e barío

un sentido comunitario hopi intensivo. Port Town lo mester bira un proyecto pagabel pa nos hendenan di entrada mediano cu awo dificilmente por yega nan propio cas. Ademas lo inclui clausulanan den e contratonan cu ta prohibi e fenomeno di AirBNB.

Un otro area na Aruba na unda por ehecuta un proyecto similar ta e area di Sero Colorado, pa cual pronto lo extende un invitacion na e diseñadornan pa crea un concepto cu arkitektura local pero den mes estilo cu Brandevoort de Veste. E escasez di vivienda ta haci cu Gobierno mester crea proyectonan relativamente rapido y exclusivamente pa e

mercado local y pa uzo residencial y no AirBnB.

Clasificados

SOLODIPUEBLO@GMAIL.COM
CEL.585 9500

TA BENDE
Un stoof MABE
24 INCH
Nobo pa alf 400
Cel: 731-2498